

ხელშეკრულება №79
(სახელმწიფო შესყიდვების შესახებ)

ქ. თბილისი

16 მარტი 2022 წ.

ერთის მხრივ შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“ (ს/კ 404945164) (შემდგომში „შემსყიდველი“) წარმოდგენილი მისი გენერალური დირექტორის ლაშა კილაძის სახით და მეორეს მხრივ, შპს „პსკ ფარმა“ (ს/კ 202203123) (შემდგომში „მიმწოდებელი“) წარმოდგენილი მისი დირექტორის ვაჟა ოქრიაშვილის სახით, **ფარმაცევტული პროდუქტების (CPV33600000) შესყიდვის მიზნით** გამოცხადებული ელექტრონული ტენდერი აუქციონის გარეშე **NAT220003443** საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ შემოსავლების ფარგლებში ფარმაცევტული პროდუქტების შესყიდვა.

1.2 შესყიდვის ობიექტის ჩამონათვალი და რაოდენობები განისაზღვრება დანართი №1-ში მოცემულის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

1.3. მოწოდებული მედიკამენტები უნდა იყოს საქართველოს ფარმაცევტულ ბაზარზე დაშვების უფლების მქონე.

2. ხელშეკრულების საერთო ღირებულება

2.1. ხელშეკრულების საერთო ღირებულება შეადგენს **264 900.00 (ორას სამოცდაოთხი ათას ცხრაასი) ლარს**.

2.2. ერთეულის (შეფუთვის) ღირებულებები განისაზღვრება დანართი №1-ის შესაბამისად.

2.3. ხელშეკრულების საერთო ღირებულება მოიცავს შესყიდვის ობიექტის მიწოდებასთან დაკავშირებული „მიმწოდებლის“ ყველა ხარჯს მ.შ. ტრანსპორტირებისა და კანონმდებლობით გათვალისწინებულ გადასახადებს.

3. ხელშეკრულების შესყიდვის ობიექტი

3.1. ხელშეკრულების (შესყიდვის) ობიექტია: ფარმაცევტული პროდუქტები (შემდგომში საქონელი) დანართი №1-ით განსაზღვრული შემადგენლობის, დოზის, ფორმის და რაოდენობის შესაბამისად.

3.2. დანართი №1 წარმოადგენს ხელშეკრულების განუყოფელ ნაწილს, სადაც მოცემულია შესყიდვის ობიექტის დეტალური აღწერილობა, მწარმოებელი ქვეყანა და მწარმოებელი კომპანია, ზომის ერთეული, რაოდენობა, ერთეულის ფასი და საერთო ღირებულება.

4. შესყიდვის ობიექტის ხარისხი

4.1. შესყიდვის ობიექტის ხარისხი უნდა შეესაბამებოდეს შემსყიდველის მიერ მოთხოვნილს, კერძოდ შემოთავაზებული პროდუქტი უნდა იყოს ქარხნული წარმოების, არ უნდა იყოს დაზიანებული და მოწოდების მომენტისთვის ვარგისიანობის ვადა შენარჩუნებული უნდა ქონდეს არანაკლებ 40%-60% მდე. (ცალკეულ შემთხვევებში, შემსყიდველთან შეთანხმებით შესაძლებელია მოხდეს უფრო ნაკლები ვარგისიანობის ვადის მქონე მედიკამენტის მიწოდებაც).

4.2. შესყიდვის ობიექტის უზარისხოვრის და/ან სატენდერო დოკუმენტაციით მოთხოვნილთან შეუსაბამობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი ხარჯებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით, შემსყიდველის მოთხოვნიდან არაუგვიანეს 10 დღის ვადაში.

4.3. შემოთავაზებულ მედიკამენტებს უნდა ქონდეს ხარისხის სერთიფიკატი. შემსყიდველი უფლებამოსილია ხელშეკრულების მოქმედების ნებისმიერ ეტაპზე (მათ შორის ხელშეკრულების გაფორმების მომენტისთვის) მოითხოვოს მიმწოდებლისგან საქართველოში რეგისტრაციისა და ზემოაღნიშნული სერთიფიკატის წარმოდგენა.

5. შესყიდვის ობიექტის მიწოდების პირობები, ადგილი და ვადები.

5.1. „საქონლის“ მიწოდება განხორციელდება ეტაპობრივად, ხელშეკრულების გაფორმებიდან 2022 წლის 31 დეკემბრის ჩათვლით. ეტაპობრივი მიწოდება უნდა მოხდეს შემსყიდველის მოთხოვნის შესაბამისად, ყოველი კონკრეტული მოთხოვნიდან 15(თხუთმეტი) სამუშაო დღის ვადაში.

5.2. საქონლის მიწოდების ადგილი – ქ. თბილისი, ქავთარაძის ჩიხი №2, შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“ და ქ. ქუთაისი ჩხობაძის N20 " ცენტრის ქუთაისის ფსიქიატრიული კლინიკა. მიმწოდებელმა საკუთარი ხარჯით/ტრანსპორტით უნდა მოახდინოს ფარმაცევტული პროდუქტების მიწოდება აღნიშნულ მისამართებზე.

5.3 ფარმაცევტული პროდუქტი უნდა იყოს მინიმალური ქარხნული ამბულატორიული შეფუთვით.

5.4 შემსყიდველი უფლებამოსილია მიმწოდებლისგან მოითხოვოს დანართით განსაზღვრული მედიკამენტების რაოდენობის მიწოდება ფაქტიური საჭიროების მიხედვით, წლის ბოლოს მედიკამენტების რაოდენობის არასრული ათვისების შემთხვევაში მიმწოდებელი კარგავს ათვისებული თანხის მოთხოვნის უფლებას.

5.5. შემსყიდველი იტოვებს უფლებას, საჭიროების შემთხვევებში, მისაწოდებელი ჩამონათვალიდან, ერთეულის ღირებულების შეუცვლელად შეიძინოს რომელიმე პროდუქტის(პროდუქტს განსაზღვრავს შემსყიდველი) მეტი რაოდენობით, სხვა შესაძენი რაოდენობის შემცირების ხარჯზე.

6. შესყიდვის ობიექტის მიღება-ჩაბარების და კონტროლის წესი

6.1. შემსყიდველის მიერ საქონლის მიღება წარმოებს ეტაპობრივად.

6.2. საქონლის მიწოდების თითოეული ეტაპზე განხორციელდება მიწოდებული საქონლის შემოწმება, რომელსაც განხორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი, რაზედაც დგება შესაბამისი ინსპექტირების აქტი.

6.3. შესყიდვის ობიექტის მიწოდებისას „მიმწოდებელმა“, უნდა წარმოადგინოს შესაბამისი დოკუმენტი საქონლის კოდის, დასახელების, რაოდენობის, ერთეულის ფასის და საერთო ღირებულების მითითებით.

6.4. მიმწოდებელმა უნდა უზრუნველყოს შემსყიდველისათვის 6.3. პუნქტში მითითებული დოკუმენტაციის წარდგენა „საქონლის“ დანიშნულ ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისათვის ეკისრება მიმწოდებელს.

6.5. მიმწოდებლის მიერ წინამდებარე ხელშეკრულების პირობების შესრულებაზე კონტროლს განხორციელებს შემსყიდველის უფლებამოსილი პირები, ცენტრის ფარმაცევტული საქმიანობის სამსახურის უფროსი, ავტორიზებული ავთიაქის მენეჯერი თამარ გოლოშვილი და ავტორიზებული ავთიაქის მენეჯერი ნინო სამნიაშვილი.

6.6 კონტროლის განმახორციელებელი პირების ფუნქციაა მისაწოდებელი ან/და მიწოდებული შესყიდვის ობიექტის მოცულობის, ერთეულის ფასის და მიწოდების ვადების ხელშეკრულების მოთხოვნებთან შესაბამისობის დადგენა.

6.7. „საქონლის“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“.შემსყიდველს უფლება აქვს უარი თქვას დაგვიანებით მიღებულ ან უხარისხო საქონელზე, ასეთ შემთხვევაში შემსყიდველი თავისუფლდება ნაკისრი ვალდებულებებისგან.

7. ანგარიშსწორების წესი, ფორმა და ვადები

7.1. ანგარიშსწორება განხორციელდება ეტაპობრივად, ფაქტიურად მიწოდებული პროდუქტის შესაბამის თანხაზე,შემსყიდველის უფლებამოსილი პირების მიერ შედგენილი ინსპექტირების დასკვნის საფუძველზე, არაუგვიანეს 15 (თხუთმეტი) სამუშაო დღის ვადაში. ამასთან მიმწოდებელს არა აქვს უფლება მოითხოვოს აუთვისებელი პროდუქტის ღირებულების ანაზღაურება.

7.2. ანგარიშსწორების ფორმა – უნაღდო ანგარიშსწორება.

7.3. ანგარიშსწორება განხორციელდება ლარებში.

8. პირგასამტეხლო

8.1. ხელშეკრულებით ნაკისრი ვალდებულებების შეუსრულებლობისათვის ან/და არაჯეროვნად შესრულებისათვის მხარეებს ეკისრებათ პირგასამტეხლოს გადახდა.

8.2. ხელშეკრულებით განსაზღვრული ვადების გადაცდენის შემთხვევაში (მათ შორის 9.2.1 პუნქტით განსაზღვრული ვადის), მხარეებს ეკისრებათ პირგასამტეხლოს გადახდა ყოველ ვადაგადაცილებულ დღეზე გაანგარიშებით ხელშეკრულების ღირებულების 0,02%-ს.

8.3. ხელშეკრულებით აღებული ვალდებულებების სრულად არაჯეროვანი შესრულებისთვის მიმწოდებელი იხდის პირგასამტეხლოს ხელშეკრულების ღირებულების 20% ის ოდენობით.

8.4. ხელშეკრულებით აღებული ვალდებულებების ნაწილობრივ არაჯეროვანი შესრულების შემთხვევაში მიმწოდებელი იხდის პირგასამტეხლოს ხელშეკრულების ღირებულების 10% ის ოდენობით.

8.5. 8.4 და/ან 8.3 პუნქტებით გათვალისწინებულ შემთხვევის დადგომისას, ასევე იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

8.6. ჯარიმის გადახდა არ ათავისუფლებს მხარეებს ძირითადი ვალდებულებების შესრულებისგან.

8.7. მხარეები იღებენ ვალდებულებას უზრუნველყონ ჯარიმის გადახდა 10 დღის ვადაში, შემსყიდველი უფლებამოსილია მოახდინოს საჯარიმო თანხის ჩამოჭრა ასანაზღაურებელი თანხიდან.

8.8. „მიმწოდებელი,, ხელშეკრულების სხვა პირობების დარღვევის შემთხვევაში, გარდა იმ შემთხვევისა თუ პირობის დარღვევა გამოწვეულია „მიმწოდებლისგან“ დამოუკიდებელი მიზეზით (როგორცაა მწარმოებლის მიერ პროდუქტის წარმოების ან მიწოდების შეწყვეტა და სხვა), ყოველი დარღვევისას იხდის პირგასამტეხლოს სახელშეკრულებო თანხის 1%-ს.

8.9. მხარეები იღებენ ვალდებულებას უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 15 (თხუთმეტი) დღის განმავლობაში, ასევე შემსყიდველი უფლებამოსილია მოახდინოს საჯარიმო თანხის ჩამოჭრა ასანაზღაურებელი თანხიდან, რის შესახებაც ეცნობება მიმწოდებელს.

9. მხარეთა უფლება-მოვალეობები

9.1. „შემსყიდველი“ ვალდებულია:

9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2. „მიმწოდებელი“ ვალდებულია:

9.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა მონაცემებით „შემსყიდველის“ დაკვეთას. წინააღმდეგ შემთხვევაში იგი საკუთარი სახსრებით თავად უზრუნველყოფს ყველა ასეთი ნაკლის აღმოფხვრას,ნაკლის/დეფექტის აღმოჩენიდან არაუგვიანეს 10 დღის ვადაში;

9.2.2. დროულად შეასრულოს ხელშეკრულებით ნაკისრი ყველა ვალდებულება.

9.3. „შემსყიდველი“ უფლებამოსილია:

9.3.1. მოითხოვოს „მიმწოდებლისგან“ ხელშეკრულების ყველა პუნქტის შესრულება.

9.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

9.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.3.4. მიმართოს სასამართლოს ან სხვა შესაბამის ორგანოებს „მიმწოდებლის“ მიერ ხელშეკრულების პირობების დარღვევის გამო და მოითხოვოს ზარალის ანაზღაურება;

9.3.5. არ მიიღოს და არ აანაზღაუროს დაგვიანებით მიწოდებული ან უხარისხო საქონელის ღირებულება. ასეთ შემთხვევაში შემსყიდველი თავისუფლდება ხელშეკრულებით ნაკისრი ვალდებულებებისგან.

9.4. „მიმწოდებელი“ უფლებამოსილია:

9.4.1. მოითხოვოს „შემსყიდველისაგან“ ხელშეკრულების ფარგლებში მის მიერ მიწოდებული „საქონლის“ ღირებულების სრული ანაზღაურება, გარდა იმ შემთხვევისა თუ მიწოდებული საქონელი არის უხარისხო.

9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4. მიმართოს სასამართლოს ან სხვა შესაბამის ორგანოებს „შემსყიდველის“ მიერ ხელშეკრულების პირობების დადგენის გამო.

10. მხარეთა პასუხისმგებლობა ხელშეკრულების პირობების დარღვევისათვის

- 10.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.
- 10.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.
- 10.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.
- 10.4. ხელშეკრულების ვადამდე მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.
- 10.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:
- 10.5.1. თუ მიმწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიწოდოს „საქონელი“;
- 10.5.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „საქონლის“ მიწოდება სრულად ან დადგენილ ვადებში.
- 10.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისგან.
- 10.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:
- 10.7.1. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;
- 10.7.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 10.7.3. „მიმწოდებლის“ გაკოტრების შემთხვევაში.
- 10.8. საჯარიმო სანქციები რეგულირდება ამ ხელშეკრულების პირობებით და საქართველოს მოქმედი კანონმდებლობის შესაბამისად.

11. დაუძლეველი ძალის მოქმედება

- 11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.
- 11.2. ამ მუხლის მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით, რომელსაც ცნობენ მხარეები.
- 11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისგან.
- 11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადაო საკითხების გადაწყვეტა

- 12.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.
- 12.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავას გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

13. გამოსაყენებელი სამართალი

- 13.1. ხელშეკრულება დადებულია საქართველოს მოქმედი კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

14. ხელშეკრულების ენა

- 14.1. ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

- 15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 15.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო ადრე დადგება.

16. ხელშეკრულების სხვა პირობები

16.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

16.2. „მიმწოდებელს“ არ აქვს უფლება წერილობითი თანხმობის გარეშე მოახდინოს მესამე პირისათვის უფლებების გადაცემა.

16.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

16.4 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის ობიექტური აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა

16.5. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

17. ხელშეკრულების შესრულების გარანტია

17.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 2%-იანი საბანკო გარანტია #10/00060, გარანტი „ბანკი ქართუ“ თანხა 5298,00 (ხუთი ათას ორას ოთხმოცდათვრამეტი) ლარის ოდენობით, მოქმედების ვადაა 2023 წლის 06 მარტის ჩათვლით, გამოიყენება ნებისმიერი ზარალის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

17.2 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, ხელშეკრულების შესრულების უზრუნველყოფის საბანკო გარანტია უბრუნდება მიმწოდებელს მოთხოვნისთანავე.

18. მოქმედების ვადა

18.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან და მოქმედებს 2023 წლის 30 მარტის ჩათვლით.

18.2. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

18.3. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. განსაკუთრებული შენიშვნები

19.1. ხელშეკრულება დამოწმებულია კვალიფიციური ელექტრონული ხელმოწერით ან/და კვალიფიციური ელექტრონული შტამპით.

19.2. ხელშეკრულება ძალაში შედის მიმწოდებლის მხრიდან ხელშეკრულებაზე კვალიფიციური ელექტრონული ხელმოწერით ან/და კვალიფიციური ელექტრონული შტამპით დამოწმების თარიღიდან.

20. მხარეთა რეკვიზიტები

„შემსყიდველი“

„მიმწოდებელი“

შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“

შპს „პსპ ფარმა“

რეკვიზიტები:

ს/კ 404945164;

„თბილისი ბანკი“ ც/ფ, ბ/კ TBCBGE22;

ა/ა GE75TB7810436020100002;

მის: თბილისი, ქავთარაძის ჩიხი №2.

რეკვიზიტები:

ს/კ 202203123, ტელეფონი: 2 18 51 11

თიბისი ბანკი

ბ/კ TBCBGE22

ა/ა GE26TB0677136020100007

მის: ფაქტიური თბილისი, დ. აღმაშენებლის 148/3

გენერალური დირექტორი:
ლაშა კილაძე

დირექტორი:
ვაჟა ოქრიაშვილი

LTD Center
for Mental
Health and
Prevention
of Addiction

Digitally signed
by LTD Center for
Mental Health
and Prevention of
Addiction
Date: 2022.03.16
11:33:21 +04'00'

PSP PHARMA
LLC

Digitally signed by
PSP PHARMA LLC
Date: 2022.03.16
11:57:03 +04'00'

შპს "პსპ ფარმა" ფასების ცხრილი

NAT220003443
შპს ფსიქიკური ჯანმრთელობის და ნარკომანიის პრევენციის ცენტრი

N	დასახელება	ქარხანა	მოქმედი ნივთიერება	ქვეყანა	რაოდენობა	სპეც ფასი	საერთო ღირებულება
1	ჰალოპრილი ფორტე ტაბ.5მგ N50	ზდაროვიე ნაროდუ	haloperidol	უკრაინა	14,000.00	3.63	50,820.00
2	ჰალოპრილი ამპ.5მგ/მლ 1მლ N10	ზდაროვიე ნაროდუ	haloperidol	უკრაინა	2,000.00	9.35	18,700.00
3	ინსულ-აქტრაპიდი HM 10მლ/100მგ	Novo Nordisk	insulin human	დანია	10.00	26.81	268.10
4	ზოპინი ტაბ. 100მგ N100	Psychotropics India	clozapine	ინდოეთი	5,500.00	16.00	88,000.00
5	პლენური ტაბ. 400მგ N100	Faes Farma S.A.	lithium carbonate	ესპანეთი	100.00	41.50	4,150.00
6	კლოპენტოლი ტაბ. 10მგ N50	H.Lundbeck	zuclopenthixol	დანია	340.00	30.75	10,455.00
7	კლოპენტოლი დეპო ამპ. 200მგ N1	H.Lundbeck	zuclopenthixol	დანია	700.00	28.60	20,020.00
8	ფსიზინი ტაბ. 5მგ N100	Psychotropics India	trifluoperazine	ინდოეთი	350.00	6.04	2,114.00
9	ტრიფტაზინი ამპ. 0.2% 1მლ N10	დარნიცა	trifluoperazine	უკრაინა	1,200.00	5.85	7,020.00
10	დულსეცია კაფს. 30მგ N30	KRKA (Slovenia)	duloxetine	სლოვენია	233.00	17.10	3,984.30
11	ტრუქსალი ტაბ. 25მგ N100	H.Lundbeck	chlorprothixene	დანია	4,000.00	14.70	58,800.00
12	ნარკანი(ნალოქსონ-ZN)4მგ 1მლN10	ზდაროვიე ნაროდუ	naloxone	უკრაინა	20.00	28.43	568.60
სულ:					264,900.00 ლარი		

შ.პ.ს. "ფსიქიკური ჯანმრთელობის და ნარკომანიის
პრევენციის ცენტრის"
გენერალური დირექტორი:

ლაშა კილაძე

შპს „პსპ ფარმას“ დირექტორი:

ვაჟა ოქრიაშვილი

LTD Center
for Mental
Health and
Prevention
of Addiction

Digitally signed
by LTD Center for
Mental Health
and Prevention of
Addiction
Date: 2022.03.16
11:33:45 +04'00'

ხელწერილი ინტერესთა კონფლიქტის არ არსებობის შესახებ

”სახელმწიფო შესყიდვების შესახებ” საქართველოს კანონის მე-8 მუხლის შესაბამისად, ვადასტურებ, რომ შპს „ფსიქიკური ჯანმრთელობისა და ნარკომანიის პრევენციის ცენტრის” შემოსავლების ფარგლებში ელექტრონული ტენდერი აუქციონის გარეშე (NAT220003443) 2022 წლის 16 მარტს შპს „პსპ ფარმასთან“ გაფორმებული №79 ხელშეკრულების ფარგლებში ფარმაცევტული პროდუქციის (CPV33600000) შესყიდვის მიზნით ჩემი მონაწილეობა არ იწვევს ინტერესთა კონფლიქტს.

ცენტრის ავტორიზებული ავთიაქის მენეჯერი:

ნ. სამნიაშვილი _____

16/03/2022 წელი

LTD Center
for Mental
Health and
Prevention of
Addiction

Digitally signed by
LTD Center for
Mental Health and
Prevention of
Addiction
Date: 2022.03.16
11:34:06 +04'00'